




P. MATTHIA
DISPOSITIO
CONCIONUM

1583



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1137 8° copy 1






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1137 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1137 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1137 8° copy 1


7.-115.


LN 1137

ex. 1

M







7. 115.
B R E V I S
DISPOSITIO
CONCIONVM, QVÆ

*in tribus diebus publicarum pre-
cationum, 28. 29. 30. Ianuarij,
Ecclesiæ propo-
nentur.*

Ad vsum ministrorum
verbi scripta

à

PAVLO MATTHIA.



H A F N I Æ.

Impressit Laurentius Benedictus

1 5 8 3.

DISPOSITIO
CONCIIII
TERTVLLIANVS.

Coimus in cœtum & aggrega-
tionem, vt Deum, quasi ma-
nu facta, precationibus ambi-
amus orantes.



ti, c
non
rete
faci
feci

tu,
ster
tuan

pet
resp
por

CONCIO PRIMÆ

Diei.

Esaia 64.

Sed nunc sumus omnes immundi, similes panno polluto, omnes iustitiæ nostræ. Et cecidimus quasi folia, & iniquitates nostræ, sicut venti, dissipauerunt nos. Nemo inuocat nomen tuum, nec quisque sese excitat ad retentionem tui. Quoniam abscondisti faciem tuam à nobis, & tabescere nos fecisti in iniquitatibus nostris.

Et nunc Domine, Pater noster es tu, nos vero lutum, Tu es formator noster, & nos omnes sumus opera manuum tuarum.

Ne irascaris Domine valde, nec perpetuò memineris iniquitates nostras, En respice quæso, quòd nos omnes sumus populus tuus.

A 2

EX-

EXORDIUM.

In tristissimam rerum omnium faciem, diligentius intuemur, neminem, nisi ferreum & adamantinum prorsus, futurum arbitror, qui non ad tam aperta & manifesta, iræ diuinæ signa, totus cohorrescat ac contremiscat. Bellis enim ardent, seditionibus, dissidijs, vicina regna omnia, prouinciæ, ciuitates. Quantis quæso difficultatibus, afflictissima Liuania, & vicinæ nobis prouinciæ Belgicæ, antea quidem florentissimæ, nunc verò in abyssum quasi omnium calamitatum demersæ, laborant? Vbi multis nunc annis, miserrima plurimorum hominum laniena conspicitur. Pestis, quæ

quæ
rurj
vt n
pæ
reli
non
mul
vix
qua
rep
&
siun
stra
mo
nob
stra
om
stra
Re
his

quæ aliquantisper visa est cessasse,
rursus ita latè virus suum diffudit,
vt nullus propemodum, totius Euro-
pæ angulus, ab eius contagione liber
relictus videatur: Scuiunt venti,
non sine graui, & tristi admodum
multorum iactura, horribilibus &
vix antea auditis tempestatibus,
quæ nil nisi irati Dei faciem, nobis
repræsentant. Videmus perpetuas
& continuas, aliquot nunc men-
sium pluuias, cuiusmodi nullas, no-
stra vel fortè maiorum etiam me-
moriam fuisse constat, quæ nostram
nobis duriciem, qui ad peccata no-
stra deflenda, plusq̃ saxeii sumus,
omnino exprobrare videntur. Po-
stremò, quantus Oceanus malorū, ex
Religionis controuersijs, proximis
hisce annis, in vniuersum penè orbem

Christianum inundat, cum interim
Antichristus, qui flamma, gladio,
proditione, fraude & vi, misera
filij Dei membra oppugnat, Regni
sui pomœria, dilatare non cesset.
Iesuitæ ita se in familiarem pluri-
morum vsum & familiaritatem in-
sinuarunt, vt etiam in vicinarum
prouinciarum Ecclesijs & Scholis,
soli propemodum locum obtineant.
Breuiter, quocunq; oculos vertas,
nihil, nisi certissima horribilis iræ
diuinæ signa, quæ tristissima quæq;
mala, nisi clementer ea Dominus
auerterit, nobis minantur, cernitur,
Vsq; adeò, tota rerum natura, iusto
Dei iudicio, in humani generis per-
niciem, conspirasse videtur. Nos
interim, quod vehementer est de-
plorandum, comesamur, beluamur,
ludi-

ludi
dita
lupt
De
pecc
etia
tidi
pro
iræ
nar
secc
cita
offi
rem
occ
nim
mij
Au
uit

ludimus, stertimus, & frena cupiditatibus laxantes, suis quisque voluptatibus indulgemus, securi iram Dei contemnimus, quam (malum) peccata peccatis cumulando, magis etiam atque magis, aduersus nos quotidie prouocamus.

Rex itaque noster clementissimus, pro singulari sua pietate, hæc & alia iræ Diuinæ, & grauissimarum poenarum, signa manifestissima, suo secum animo reuoluens, verè ijs afficitur, utque Christiani Magistratus officio perfungatur, præsentissimum remedium, quo tantis malis maturè occurratur, pia sollicitudine cogitat, nimirum ut à Deo irato, ad Deum misericordem, ut præclare ait August: fugiamus, & cum Nininitis, seria nos poenitentia, ad Deum

conuertamus, malaq̃ imminentia,
quæ iustissima eius ira, nobis absq̃
omni dubio minatur, vero non si-
mulato cordis dolore, apud eum de-
precemur. Constituti igitur sunt, à
pijsimo simul & clementissimo
Rege nostro, tres hi dies continui,
publicis precationibus, quibus vt
per totum hoc Regnum, Ecclesia
frequens conueniat, seriò mandatur,
vt homines de tantis rebus commo-
nefacti, earum diligenti considera-
tione, ad veram pœnitentiam exci-
tentur. Quare ad tam pium ac se-
rium, Serenissimæ R. M. manda-
tum, decet nos omnes ac singulos,
diebus hisce precationum, publicè in
Ecclesia, omni reuerentia, animiq̃
deuotione conuenire, vt considerata
præsente & urgente necessitate, in
nosmet

nosm
agno
cora
Nec
fæd
rum
sina
tam
vni
nibi
ere
acce
cess
iun
nib
ciss
pas
inf
non

nosmet descendere, nostraq; peccata
agnoscere, ac vero animi dolore,
coram Deo ea deplorare discamus:
Nec ullo modo, vel peccatorum
foeditate, vel imminentium malo-
rum multitudine, à Deo abduci nos
sinamus: Sed firma fide, in gratui-
tam Dei misericordiam, propter
unicum ac solum Mediatorem, om-
nibus verè pœnitentibus promissam,
erecti, ardente precatone ad Deum
accedamus, omnemq; nostram ne-
cessitatem, animis & precibus con-
iunctis, in eius sinum effundamus,
nihil dubitantes, quin iuxta dul-
cissimas suas promissiones, quæ
passim in scripturis extant, &
infra, Deo volente, recitabuntur
nonnullæ, nos per ac propter filium
suam

suum vnigenitum, clementer sit ex-
auditurus.

Atq; hæc, in initio harum cona-
cionum, non quidem vt volui &
debui, sed vt pro præsentis temporis
ratione potui, ita breuiter præfari
volui. Filius Dei, qui sedet ad
dexteram Patris, interpellans pro
nobis, animos & corda nostra, Spi-
ritu suo S. gubernet, vt omni se-
posita hypocrisi, omniq; excusso ve-
terno, in vero Dei timore solenni-
bus hisce precationum diebus, fre-
quentes conueniamus, faciatq; vt
preces nostræ, quas in eius nomine
fundimus, Deo gratæ & acceptæ,
eiusq; Ecclesiæ & Scholis, Regi no-
stro clementissimo, Illustrissimæ
Reginæ, omnibusq; liberis Regijs,
Regnis quoq; Ducatibus, & Pro-
uin-

uinci-
stris
sint.

citat
tres
gam

1.

2.

3.

uincijs, nobisq̃ ipsis, & familijs no-
stris, utiles & salutare esse pos-
sint. Amen.

Nunc ad textum, supra re-
citatum, propius accedamus, unde
tres potissimum doctrinas colli-
gamus.

1. De vera hominis poenitentis
confessione, quæ salutaris con-
tritionis pars est.
2. De fide, qua in medijs etiam
calamitatibus, homo peccas-
tor, ad Deum, non aliter atq̃
ad benignissimum patrem ac-
cedit.
3. Quomodo affectus esse debeat,
qui miseris & ærumnis pres-
sus, auxilium à Deo petere
velit.

DE

DE PRIM A
doctrina.

Et nunc sumus omnes
immundi &c.

Næc est ingenua & aperta
populi Israëlitici confes-
sio, qui in tristissimam
captiuitatem Babyloni-
cam abductus, tandem se suamq; mi-
seriam, & commeritas pœnas, iustè
se luere, agnoscit & confitetur.
Hoc exemplo moniti, etiam nostram
immundiciem, quæ & magna est,
& multiplex, agnoscere, eamq; in-
genue coram Deo confiteri disca-
mus, qui maximis atq; infinitis nos
sceleribus, quotidie polluimus,
comestationibus, heluationibus, libi-
dinibus, illicitis vsuris, imposturis,
fraudibus, rapinis, auaritia, super-
bia,

bia,
rebu
Hæ
ad a
ordin
mus
nisi
peric
pann
los a
beat
moti
fam
conc
vali
nes
diss
mili
rier
serè

bia, nimio & immodico, cum in alijs
rebus, tum in vestitu maxime, luxu.
Hæc & innumera penè alia, in quæ,
ad ambas vsq; aures, omnes omnium
ordinum homines, demersos vide-
mus, ita nos deficiant, vt nihil,
nisi mera immundities, in nobis re-
periatur, nostraq; iustitia, veluti
pannus immundus, à quo etiam ocu-
los auertimus, in conspectu Dei ha-
beatur. Vnde iusta indignatione
motus Deus, bello, pestilentia,
fame nos exercet, quæ tria, veluti
concatenata mala, non aliter, ac
validissimus ventus folia, homi-
nes passim prosternunt, deiciunt,
dissipant. Quot quæso hominum
millia, proximis annis, bello pe-
riere? Quàm multæ familiæ, mi-
serè dissipatæ? Quot seuissimæ lues
pesti-

pestifera, passim prostravit? Quot
alijs in locis, tristissima fames ene-
cavit? Sed quæ, quæso, tantorum
malorum causa? Iniquitates, in-
quit, nostræ, quarum summam &
maximam nominat, Dei contemp-
tum. Nemo, inquit, inuocat no-
men tuum. Vbi enim securè con-
temnitur Deus, verus Dei timor
in nobis extinguitur, ita vt nemo,
vel pauci admodum reperiantur, qui
seriò Deum inuocent, nec quisq̃ sit,
qui sese ad Deum, precibus suis com-
prehendendum, excitet. Loquitur
enim Propheta, non de frigida, sed
ardente inuocatione, quæ Deum,
veluti vlnis constrictum tenet, qua-
lis illa fuit Mosis, populi culpam à
Deo deprecantis, quem sic alloquitur
Deus, Exo: 32. Dimitte me, vt
ira-

irasci
delea
inuoc
cultu
nobis
omni
tis n
temu
& in
inuoc
bus
ne in
dat.
est à
agg
man
mus
cristi

ot
e
m
n
G
p
o
m
or
io,
qui
it,
m
tur
sed
m,
ua
n à
tur
ut
ira
irascatur furor meus contra eos, &
deleam eos. Neglecta autem vera
inuocatione, quæ præcipuus Dei
cultus est, faciem suam vicissim, à
nobis abscondit Deus, nosq; quasi
omni nostri cura abiecta, in pecca-
tis nostris tabescere facit. Exci-
temus igitur etiam nos, præsentibus
& imminentibus pœnis, ad seriam
inuocationem, vt coniunctis preci-
bus, Deum captiuum teneamus,
ne in furore suo, nos funditus per-
dat. Ideo enim, vt grauiter dictum
est à Tertull: Coimus in cætum &
aggregationem, vt Deum, quasi
manu facta, precationibus ambia-
mus orantes.

Accedamus ad Deum, vera
& seria confessione, omniq; hypo-
crisi, ac falsa propria iustitiæ per-
sua-

suasione sepositis, nostram immundiciem agnoscamus, eamq̃ veris cordis gemitibus, coram Deo deploremus. Sine enim vera agnitione, ac confessione propriæ indignitatis, nullus locus esse potest misericordiæ diuinæ. Qui enim miseriam suam non sentit, is Dei misericordiam facile contemnit: Et quem morbus non premit, Medicum facile spernit, quemad: Christus ipse testatur, Mat: 9. Huc faciunt dicta illa de confessione Psal: 32. Quia tacui &c 51. Tibi tibi solum peccaui &c. 1. Ioh: 1. Si dixerimus, quoniam peccatum non habemus &c Agnoscentes autem nostram immundicem, eamq̃ coram Deo, vera confessione detegentes, vitæ deinceps emendationi studeamus, nihil dubitantes, quin faciem suam,

suam,
rursus
cienda
ut fir
diam,
berrim
mum
sicuti
cetur
tus, f
videt
neg, c
eum
pecca
tiam
Etus,

suam, à nobis absconditam, mitem
rursus ac placidam, nobis conspi-
ciendam, Deus sit exhibiturus, ita
ut firma fiducia, in eius misericor-
diam, propter filium concepta, li-
berrimus ad eum, tanq̃ ad mitissi-
mum patrem, nobis pateat accessus,
sicuti nunc in secunda doctrina di-
cetur latius.

DE SECUNDA

doctrina.

Ingens dolor est, ubi Deus ira-
tus, faciem suam à nobis abscondere
videtur, ac si nullus iam amplius,
neq; consilij neq; auxiliij locus, apud
eum relictus esset: nec posset homo
peccator, huius doloris vehemen-
tiam sustinere, nisi firma fide ere-
ctus, Deum iratum, mitem ac mi-

B

seri-

sericordem patrem agnosceret. Hæc
enim summa ars est Christianorum,
credere inuisibilia, sperare dilata,
amare Deum, ostendentem se tanq̃
hostem & inimicum, & sic in finem
vsq; perseverare. Talis hîc Iudeo-
rum fides conspicitur, qui durissimo
servitutis iugo pressi, in medijs
ærumnis, Deum tanq̃ clementiss:
patrem compellant, certò statuen-
tes, eum opera manuum suarum, hoc
est, creaturas suas, nequaq̃ reli-
cturum, quarum figmentum novit,
naturam videlicet humanam, quæ
infirmior est, quàm ut magnitudi-
nem iræ Divinæ & pœnarum susti-
nere possit, quemad: Psal: 130. di-
citur: Si iniquitates observaveris
Domine, Domine quis sustinebit?
Hoc exemplum etiam nos imitemur,

mur
faci
ocul
tuea
seric
vere
imm
prop
miti
in n
imb
& e
turi
Piu
vest
à v
Esa
salu

mur, & in medijs malis, quæ irata
facie, nobis minatur Deus, fidei
oculis, paternum eius animum in-
tueamur, nihil dubitantes, quin
seriò inuocatus, nostræ miseriæ
verè misereatur, & præsentēs ac
imminentes calamitates, clementer
propter filium, vel auertat vel
mitiget.

Verùm cum huiusmodi fides,
in nobis admodum languida sit &
imbecillis, promissionibus diuinis,
& exemplis eam corroboremus.

Promissiones passim in scrip-
turis obuiæ sunt. 2. Paralip: 30.
Pius & clemens est Dominus Deus
vester, & non auertet faciem suam
à vobis, si reuersi fueritis ad eum.
Esa: 45. Conuertimini ad me, &
salui eritis, vniuersi fines terræ.

B 2

Et

Et 55. OMNES sitientes venite
ad aquas. Zachar: 1. Conuer-
mini ad me, & ego conuertar ad vos.
Ezech: 33. Vno ego dicit Domi-
nus &c. quæ cum etiam iureiurando
sit confirmata, de eius veritate, ne-
mo, nisi planè impius, dubitauerit,
quemad: præclarè de hac promif-
sione ait Tertull: O beatos nos,
quorum causa Deus iurat, ô mise-
ros, si nec iuranti Domino credi-
mus. Sed omnium dulcissima est
ipsius Christi promissio, Matth: 11.
Venite ad me OMNES &c. Hæ
& aliæ similes promissiones, quia
vniuersales sunt & gratuita, sa-
tis testantur Deum, verè pœnitentes
in gratiam recipere, Et non solum
peccata eis remittere, verum etiam
pœnas

pœnas
mitig
empli
paren
Mag
cruce
nia t
ianua
atq
ter p
bus d
qui fi
missi

vebe
pulci

pœnas commeritas, vel tollere vel
mitigare.

Promissiones confirmentur ex-
emplis, veluti primorum nostrorum
parentum, Manassæ, Davidis,
Magdalenæ, Petri, Latronis in
cruce, Pauli & aliorum, quæ om-
nia testantur, diuinæ misericordiæ
ianuam, omnibus patere, qui firma
atq; indubitata fide, eam indefinen-
ter pulsare perseuerant, ijsq; omni-
bus diuinum auxilium paratum esse,
qui firma & indubitata fide, in pro-
missiones diuinas recumbunt.

DE TERTIA doctrina.

Propheta, populi sui nomine,
vehementiam iræ diuinæ deprecans,
pulchrè admodum ostendit, quomodo
B 3 affecti

affecti esse debeant, qui varijs ærum-
nis & calamitatibus pressi, à Deo
auxilium petere velint, non debent
cum Saulè, fremere aduersus Deum,
durius interdum corripientem, neq;
fugere Deum iratum, sed instar
obedientis filij ad eum potius acce-
dere, omniq; se humilitate, diuinæ
castigationi subycere, seq; ad eam
ferendam, totos paratos offerre:
Interim tamen precari, vt pœna
mitigetur, & paterna sit castigatio.
Sic precatur David Psal: 6. Ne
in furore tuo &c. Et Iere: cap: 10.
Corripe me Domine, veruntamen
in iudicio, Id est, seruato modo, &
non in furore tuo, ne fortè ad nihi-
lum redigas me.

Hic affectus, etiam in pueris,
magis obedientibus cernitur, qui
non

non
iratu
tem,
paren
pœna
paren
ctus
Dei
mur,
enter
mus.
tus,
Sed
nas
vtq;
reco
sum
reliq
eum
ritu

non fugiunt patrem offensum &
iratum, ac virgas etiam minitan-
tem, sed accurrunt potius, & in
parentis complexum ruunt, non tam
pœnam, q̃ iram & indignationem
parentum deprecantes. Idem affe-
ctus in nobis sit oportet, ne iustam
Dei disciplinam, in totum auerse-
mur, sed vt ad eam, vltro & pati-
enter ferendam, paratos nos offera-
mus, Idq̃ tantum precemur, ne ira-
tus, inter vasa iræ, nos abiciat,
Sed vt seruato paterno affectu, pœ-
nas commeritas clementer mitiget,
vtq̃ in medio iræ, misericordiæ suæ
recordetur. Nam et nos populus eius
sumus, veræ Ecclesiæ Ciues, qui à
reliquis sectis omnibus abhorrentes,
eum, qui Pater est, Filius & Spi-
ritus S. Verum Deum agnoscimus

& colimus. Et quamq̃ multæ ad-
huc sint sordes, in corrupta & vi-
ciosa hac natura hærentes, Tamen
freti paterna eius misericordia, nihil
dubitamus, quin ad eas, precioso,
filij sui sanguine ablutas, clementer
instar piæ Matris conniveat, neq̃
perpetuò, iniquitates nostras memi-
nisse velit, quemad: etiam orat
Dauid, Psal: 103. Sed vt eas in
profundum maris demersas, per-
petua obliuione obruat, idq̃ per ac-
propter filium suum vnigenitum,

cui cum patre & Spiritu S.

Laus sit & gloria, in
omni æternitate.

AMEN.



CON.

CO




rabo i
te de
tiali,
eius f
ritas
etern
peste
lentia
dent
à dex
pinq
& r
Quo
tissim
tui.
gellu
nacu

CONCIO SECVNDÆ

Diei.

Psal : 91.

 Vi habitat in abdito altissimi, & in vmbra omnipotentis commoratur: Dicet Domino Spes mea & munus meum, Deus meus, sperabo in eum. Quoniam ipse liberabit te de laqueo venantium, & à peste exitiali. Pennis suis teget te, & sub alis eius sperabis, scutum & clipeus est veritas eius. Ne timeas à timore nocturno, & à sagitta volante in die. A peste grassante in tenebris, & à pestilentia prædante in meridie. Etsi cadent à latere tuo mille, & decem millia à dextris tuis, ad te tamen non appropinquabit. Vtiq; oculis tuis cernes, & retributionem impiorum videbis. Quoniam tu es DOMINE spes mea, altissimum posuisti habitaculum refugii tui. Non affliget te malum, & flagellum non appropinquabit tabernaculo tuo.

B;

Quo-

Quoniam angelis suis mandauit de
te, vt custodiant te in omnibus vñs
tuis. In manibus portabunt te, ne
fortè offendas ad lapidem pedem
tuum. Super leonem & aspidem am-
bulabis, & conculcabis catulum leonis
& draconem.

Quoniam desiderat me, liberabo
eum, protegam eum, quoniam cogno-
uit nomen meum. Clamauit ad me, &
ego exaudiam eum, cum ipso sum in
tribulatione, eripiam eum & glorificabo
eum. Longitudine dierum replebo
eum, & ostendam illi salutare meum.

ENARRATIO.



Vemadmodum proxima
superiore concione audi-
uimus, nullas neq. pecca-
torum sordes, neq. vitæ
huius ærumnas, quemq. à Dei inuo-
catione deterrere debere, sed Deum
vera confessione, ac firma fide,
com-

compe
noster
nos li
stræ i
castig
verè
vt po
rueru
mitig
qui c
multi
eande
dens
cessit
velut
patèr
gelos
des,
dò

compellandum esse, qui cum pater
noster sit, & creator, non deseret
nos liberos suos, in hac naturæ no-
stræ infirmitate, sed paternæ eius
castigationi nos placidè subijcietes,
Verè paterno nos vultu aspiciet, ita
ut pœnas, quas peccata nostra me-
ruerunt, clementer vel tollat vel
mitiget: Ita David in hoc Psalmo,
qui consolationis est plenissimus,
multis & varijs similitudinibus,
eandem doctrinam illustrat, osten-
dens pijs omnibus, in quibusvis ne-
cessitatibus constitutis, ad Deum,
veluti tutissimum asylum, aditum
patere: neq; hoc solum, sed & An-
gelos diuinitus eis datos esse custo-
des, Deumq; eorum preces, non mo-
dò clementer exaudire, verùm
etiam

etiam præsentem ijs opitulatorem
adesse. Diuidatur autem Psal-
mus in tres partes:

1. Dulcissimas habet similitudines,
quibus Propheta diuinum
auxilium, elegantissimè pingit.
2. Insignem continet doctrinam,
de præsidio sanctorum An-
gelorum.
3. Euidenter docet, pios non
solùm clementer à Deo ex-
audiri, verùm etiam, Deum
ipsis, in medijs periculis, præ-
sentem adesse opitulatorem.

DE PRIMÀ parte.

Non dubium est, hunc Psal-
mum à Davide scriptum, ac populo
Iudaico propositum esse, cùm senis-
sima pestis in Iudæa grassaretur,
quæ tridui spatium, septuaginta ho-
minum

minum
statur
ideoq;
senien
mum
Nihil
tiones
nere
ritò et
ad om
moda
malis
mus,
fugie
sidio
malis
quia
tulat
dit.
ius

rem
sal-
nes,
um
igit,
am,
An-
non
ex-
cum
ora-
m.
sal-
pulo
euis-
tur,
ho-
num

minum millia interemit, quæad: te-
statur historia, 2. Sam: Vltimo,
ideoq; in specie hîc doceri, quodnam,
seuiente pestilentia, præsentissi-
mum pijs propositum sit remedium:
Nihilominus tamen, quia consola-
tiones, ad omnes calamitates in ge-
nere humano, sunt referendæ, me-
ritò etiam, doctrina huius Psalmi,
ad omnis generis calamitates accom-
modabitur, vt siue peste, siue alijs
malis ingruentibus, certò statua-
mus, omnes vera fide ad Deum con-
fugientes, eiusq; se tutelæ & præ-
sidio committentes, à quibuscunq;
malis & calamitatibus tutos fore,
quia Deum præsentem habent opi-
tulatorem, qui eos tegit & defen-
dit. Atq; hæc summa est totius hu-
ius doctrinæ, quæ vt altius animis
homi-

hominum infigatur, varijs ac pulcherrimis eam similitudinibus Propheta illustrat, quas ordine, & breuiter consideremus.

PRIMO, diuinam protectionem nominat Abditum seu latibulum, quia vt vulpes & aliae ferae, sua habent latibula & foveas, ad quas in venatione, canibus cinctae, se recipiunt, vt in ijs tutae lateant, & periculum declinent: Ita pii omnes, non solum peste, verum etiam, quibuscumque alijs malis grassantibus, Deum, tanquam optimum latibulum habent, ad quem tuto confugere possunt. Cum autem nominat abditum altissimi, indicat humanas latebas frustra quæri, vbi quis diuino hoc latibulo fuerit destitutus. Sed quid? accusandi ne igitur

igitur
cum in
gis an
fame,
sancti
fecisse
ita ta
desera
cto, h
tutum
renda
licita
interi
tur di
Nam
mole
se re
umbi
un

igitur sint, qui grassante peste, locum infectum fugiunt? Non magis arbitror, quam qui seuiente fame, aliò se recipiunt, id quod sanctissimum Patriarcham Iacob fecisse legimus, Gen: 46. Verùm ita tamen, ne quis vocationem suam deserat, aut diuino latibulo neglecto, humanis tantum latebris, se tutum fore existimet: Ita enim quærenda sunt præsidia humana, quæ licita sunt, & à Deo concessa, ne interim negligentur aut contemnantur diuina.

SECVNDO, Vmbra.
Nam vt Viatori, cui æstus solis molestus est, grata est vmbra, qua se recreat: Sic protectio diuina, umbram nobis præbet gratissimam, qua

qua in medio etiam periculorum
æstu, verè recreamur.

TERTIO, Munitionem, si-
militudine à re militari sumpta.
Quemad: enim hi, qui necessario
commeatu instructi, arcem aliquam
munitam tenent, quamcunq; vim
hostilem facile contemnunt: Ita
diuina protectione muniti, aduer-
sus omnia pericula, tuti conser-
uamur.

QUARTO, Alam. Hæc
omnium dulcissima est similitudo,
quæ ostendit Deum pios omnes,
non aliter in suam tutelam recipere,
quàm pullos suos gallinam, quos
sub alis suis fouet & tegit, ne eos,
vel frigora, vel imbres, vel
aues ijs insidiantes, lædant. Hæc
similitudine Christus ipse delecta-
tus

tus
sing
mag

peur
quer
tari

& J
pit:
med

Inte
miss
Ver

ideo
tem
simi

&
conf
alio

ijs c

tus est, Matth: 23. qua nulla alia,
singularem Dei erga nos affectum,
magis euidenter monstrat.

QVINTO, Scutum & Cli-
peum. Est & hæc similitudo
quemad: tertia superior, à re mili-
tari sumpta. Vt enim miles, clipeo
& scuto, hostium tela securus exci-
pit: Sic veritate Dei muniti, in
medijs periculis, fortiter consistunt.
Intelligit autem per veritatem, pro-
missiones diuinas, quæ, vtpote à
verace Deo profectæ, veræ sunt,
ideoq; vera fide, in eas recumben-
tem, nequaquam possunt fallere. Hæ
similitudines, quæ & dulces sunt
& illustres, semper nobis sint in
conspectu, vt fidem nostram, quæ
alioqui languida est & imbecillis,
ijs confirmemus, ne quid, siue peste,
C siue

siue alijs malis grassantibus, de di-
uina protectione dubitemus.

Præterea obseruandæ veniunt
appellationes, quibus pestis vehe-
mentiam notat, laqueus videlicet
venantium, timor nocturnus & sa-
gitta volans in die. Vt enim aui-
culæ garrientes, nullum metuentes
periculum, subito aucupis laqueo
capiuntur: Ita homines securi, mi-
nimeq; opinantes, peste citissimè
corripiuntur. Deinde vt nox ma-
gis homines terret: Sic pestis, in-
gentem ysdem terrorem & metum
adfert, quæ virus suum, noctu
maximè, diffundere creditur. Et
vt sagitta ex arcu fortiter intenso
emissa, vehementi impetu obuium
quemq; vel media die ferit: Ita pe-
stis, interdiu etiam correptos celer-
rimè

rimè
licet
loco
satis
uina
alijs
ter
dici
tuo
tia
nis,
vita
run
tern
pepe
nefi
mer
can
coll

rimè prosternit. Hæ appellationes,
licet ostendant homines, nullo neq;
loco neq; tempore, à pestis sæuitia
satis tutos esse: Tamen multi, di-
uina protectione, ab eius contagione,
alijs hinc inde pereuntibus, clemen-
ter conseruantur. Hoc enim est quod
dicit Dauid: Et si cadent à latere
tuo mille &c. Et nostra experien-
tia didicimus, proximis hisce an-
nis, quibus multi, longiore etiam
vita digni, lue hac pestifera perie-
runt, Deum singulari sua & pa-
terna bonitate, multis clementer
pepercisse, quod singulare Dei be-
neficium, grata nobis mente,
merito agnoscendum est & prædi-
candum.

Sequentibus tribus versiculis,
collationem instituit Propheta in-

C 2

ter

ter pios & impios, ac pijs quidem,
diuinam protectionem promittit:
impijs verò, iustas pœnas denunciat.
Neq; tamen Omnes censendi sunt
impij, qui vel peste correpti inte-
reunt, vel alijs ærumnis in hac vita
exercentur: quemad: nec Omnes
habendi sunt pij, quos vel pestis
contagium non ledit, vel aliæ ca-
lamitates non premunt: Sed quòd
etiam pijsimi, seuitia pestis citis-
simè interdum abripiuntur, id fit
singulari Dei fauore, ne sint specta-
tores publicarum calamitatum,
quemad: docetur Esa: 57. Senti-
unt etiam pij, varias sepe calami-
tates, vt & vera fides & inuocatio,
in eis crescat, & vt impij, in eorum
exemplum intuentes, iustam Dei
iram, seriò metuere, & maturè di-
scant,

scant
impij
cit
etiam
gani
ad p
pœn
iudi
quen
ipse
dict
test
pori

qua
per
sec

em,
tit:
iat.
unt
nte
vita
mes
estis
ca-
uod
itif
d fit
ecta
um,
enti
ami
atio,
rum
Dei
e di
ant,

scant resipiscere. Interim malis &
impijs, sapissimè sauiente peste, par-
cit Deus, quos interdum multis
etiam beneficijs cumulat, vt & lon-
ganimitate sua & beneuolentia, eos
ad penitentiam inuitet, qui si im-
penitentes manserint, iustum Dei
iudicium aliquando experientur,
quemad: graniter docet Christus
ipse, Lucae: 13. & plurima cum
dicta, tum exempla S. scripturae
testantur, quae, pro ratione tem-
poris, huc accommodari possunt.

DE SECVNDA

parte.

Sequentes duas partes Psalmi,
quanta fieri potest breuitate, nunc
percurramus. Continet autem haec
secunda pars, doctrinam maximè

C3

con

consolatoriam, de ministerio Ange-
lorum, qui diuinitus nobis dati sunt
custodes, vt nos, nostraq; omnia,
vxorem, liberos, familiam, facul-
tates, famam, dignitatem tueantur
ac defendant, quemad: docet Da-
uid Psal: 104. & Epistola ad
Hebr: cap: 1. Qui facis Angelos
tuos spiritus &c. Item. Psal: 34.
Castrametatur Angelus Domini,
in circuitu timentium eum, & eri-
piet eos. Hæc quàm sint vera, plu-
rimorum exempla testantur, veluti
Lot, Gen: 19. Elisei, 4. Reg: 6.
Trium puerorum in ardente for-
nace, Dan: 3. Ipsius Danielis, in
specu leonum, Dan: 6. Et 4.
Reg: 19. pugnat Angelus Domini
pro Ezechia, contra Sennacherib,
qui vna nocte, centum octoginta
quing

qui
nisi
cer
em
mo
lor
ma
de
tue
eti
san
Id
eti
pe
no
A
m
sa
co
in

ge.
unt
ia,
cul.
tur
Da.
ad
elos
34.
ni,
eris
olu.
luti
6.
for.
in
4.
ini
ib,
ta
ng.

quinq; millia occidit : Act : 12. mi-
nisterio Angelorum, Petrus è car-
cere educitur. In hæc & similia ex-
empla intuentes, confirmemus ani-
mos nostros, de sanctorum Ange-
lorum præsidio, & cum hîc dicit :
mandauit Angelis suis de TE, id
de se quisq; dictum, certa fide sta-
tuat, nihil dubitans, quin diligens
etiam ipsius cura & custodia,
sanctis Angelis, à Deo sit mandata,
Id quod communis, & propria
etiam cuiusq; experientia, satis su-
perq; testatur, cum nemo sit, quem
non fateri necesse est, singulari se
Angelorum præsidio, sine vlla hu-
mana ope aut auxilio, à plurimis
sæpe periculis, à primis annis fuisse
conseruatum, & adhuc conseruari
indies.

C4

Verum

Verum hinc diligenter obseruandum est, quod additur: in vñs tuis, id est, diligenter & fideliter facienti operas vocationis, in timore Dei: Via enim, vsitate in scripturis, significat vocationem: Ruentes autem extra vocationem, & mouentes non necessaria, quod est tentare Deum, contra ipsius mandatum: Non tentabis &c. nihil est, quod à Sanctis Angelis, auxilium aliquod aut defensionem expectent, quod cum probè sciret Diabolus, hanc particulam, tentans Christum, callidè omisit.

Est igitur in dulcissima hac promissione, doctrina simul & consolatio nobis proposita. Docemur enim ne stulta πολυπραγμοσύνη, temerè extra vocationis septa ruamus,

mus, /
nostræ
nos co
ac dili
operibi
quod a
hic pro
Dei
futuros
iuuabu
minuen
& off
diligen
imping
nos in
incauti
mus.
sanctis
dunt, /
tur, id

mus, sed vt propria agentes, intra
nostræ vocationis limites, modestè
nos contineamus, & fideles simus
ac diligentes, in vocationis nostræ
operibus, in Dei timore faciendis,
quod dum facimus, summa nobis
hic proposita est consolatio, sanctos
Dei Angelos, nobis custodes ad
futuros, qui infirmitatem nostram
iuuabunt, difficultatem in officio
minuent, & vocationis impedimenta
& offendicula, quæ nulla nostra
diligentia vitari possunt, ne in ea
impingamus, ita auferent, quasi
nos in manus sublato gestarent, ne
incauti ad lapidem pedem offenda-
mus. Labuntur interdum etiam
sanctissimi in sua vocatione; & ca-
dunt, sed quod non prorsus collidan-
tur, id sanctorum Angelorum præ-
sidio

sidio acceptum est ferendum, qui labentes manibus suis sustentant.

Præterea, cum magna sit vis & tyrannis aduersariorum, quos hic sæuissimis & venenatissimis animalibus confert, leoni, aspidi, draconi, quibus, cum nulla nostra potentia, resistere possumus, Angelorum tamen præsidio, ab eorum vi & tyrannide, nos tutos futuros promittit.

Sed hic rursus obiectio explicanda est. Si Deus omnes pios defendit excubijs & defensione Angelorum, cur Iob non modò omnibus fortunis exuitur, sed etiam dulcissimos liberos, & sanitatem proprii corporis amittit? Cur Baptista ab Herode, Paulus à Nerone interficitur? De hac obiectione respondet

Au

Aug
bolus
perm
onem
omni
Diab
exqu
vt c
Paul
coron
I
casto
peric
ter no
citem
huius
nem,
aduer
ficio,
tas h

August: enarrans Psal: 30. Dia-
bolus non potest seuire in pios, nisi
permittente Deo, vel ad probati-
onem, vel ad coronam. Iob exutus
omnibus bonis, probatus est, ut
Diabolus confunderetur: Martyres
exquisitis cruciatibus necati sunt,
ut coronam consequerentur, sicut
Paulus inquit: Reposita est mihi
corona iustitiæ &c. 2. Tim: 4.

Hac dulcissima consolatione, de
castodia Angelorum, in omnibus
periculis & difficultatibus, forti-
ter nos sustentemus, simulq; nos ex-
citemus ad diligentem, ingentis
huius beneficij diuini, consideratio-
nem, eiq; pro tanto tamq; immenso,
aduersum nos miseros homines, bene-
ficio, gratias agamus tantas, quan-
tas humanus animus capere potest
maxio

maximas. Et cum hi custodes, di-
uinitus nobis dati, Spiritus sint
mundissimi & purissimi, omni di-
ligentia vitæ puritati nobis studen-
dum erit, ne aliqua vitæ spurcitie,
eos à nobis abigamus, sicuti piè &
grauiter monet Basilius, in enarra-
tione Psal: 34. Quemad: fumus,
inquit, dissipat apiculas, & colum-
bas fætor pellit: Ita vitæ custodem,
Angelum, à nobis remouet teterri-
mus odor peccati. Sic igitur viuam-
us, ne vnq̃ præsidijs necessarijs &
Salutaribus Angelorum destitua-
mur. Qui enim ab his custodibus
deseritur, is omnibus telis Diaboli,
tanq̃ scopus propositus est.

DE

doctri
Quæ e
rum
fluctu
quàm
ta ass
non se
exau
perico
quide
haben
illud
dum
tione
adfe
amp
statu

DE TERTIA

parte.

Recitatur etiam in hac parte,
doctrina consolationis plenissima.
Quæ enim efficacior consolatio, pio-
rum animis, in medijs periculis
fluctuantibus, adhiberi potest,
quàm quòd hic Deum audiant, tan-
ta asseueratione promittentem, se
non solum eorum preces clementer
exauditurum, verum etiam in ipsis
periculis, illis adfuturum. Solatium
quidem est, humano more loquendo,
habere socium in poenis, Verum
illud solatium, prorsus est euania-
dum, nec veram aliquam consola-
tionem pauidis hominum mentibus
adfert: Verum cum iuxta hanc
amplissimam promissionem, certò
statuimus, Deum non à longè, ve-
luti

DE

luti ociosum spectatorem, calamitates nostras intueri, sed nobis, cum maximis difficultatibus conflictantibus, verè præsentem adesse opitulatorem, mox sentit mens pauida, veram & solidam consolationem, qua sese in medijs paucioribus & periculis, fortiter erigit & sustentat.

Verùm hic rursus obseruandum venit, has tam amplas & dulces promissiones, non ad omnes promiscuè pertinere. Nam qui absq; vllò vero Dei timore, cupiditatibus suis indulgent, & peccatis peccata furenter cumulant, nullam ex dulcissimis hisce promissionibus consolationem sentiunt: Sed qui desiderant Deum, id est, qui ingenti & ardenti amore eum complectuntur, veraq; non simulata fide ei adhærent,

rent, hi
promiss
fonte, d
riunt.
nomen
qualis
stum v
sericora
commi
bus, v
um int
menter
verum
quod
Dauid
At al
uini co
Deum
approp
absent

rent, hi demum ex amplissimis hisce
promissionibus, veluti ex vberissimo
fonte, dulcissimas consolationes hau-
riunt. Hi enim soli, quia nouerunt
nomen Dei, hoc est, Deum ipsum,
qualis in verbo suo praedicatur, ius-
tum videlicet, omnipotentem, mi-
sericordem & veracem, tam in
comminationibus quam promissioni-
bus, veris cordis gemitibus De-
um inuocant, quos non solum cle-
menter exaudit, liberat, protegit,
verum magna in super gloria ornat,
quod ostendunt exempla Ioseph,
Dauidis, Danielis & similibus &c.
At alij, destituti vera nominis di-
uini cognitione, non serio inuocant
Deum, sed labijs tantum ad eum
appropinquant, corde interim longe
absente. Quare calamitatibus pressi,
desti-

destituuntur veris consolationibus,
donec tandem desperantes, in ætera-
num exitium ruant.

Cæterum, cum Deus hîc pijs
promittat vitæ prorogationem,
quærat fortè aliquis, quî fiat, ut
etiam optimi ac pijsimi, in medio
ætatis flore sæpijsimè abripiantur?
Sed iam antea dictum est, id non
fieri, sine singulari Dei consilio &
favore, quibus res nostras sapien-
tissimè moderatur: Et sicut Bern-
hardus de oratione piorum dicit,
fieri id quod petitur, aut non ex-
pedire ut fiat: Ita de hac, & alijs
promissionibus corporalibus dica-
mus, verè eas à Deo præstari, modò
nobis conducant: Sin minus, longè
satius esse eas non præstari.

Quæ

Quæ autem in fine additur pro-
missio, dulcissimam habet consola-
tionem, quòd Deus nobis, siue se-
riùs siue citiùs, ex hac vita emi-
graturis, salutem suam sit osten-
surus, hoc est, nos ex hac momen-
tanea & caduca vita, in æternam
illam, & quæ verè vita est dicenda
euocatos, veræ nos salutis, per fi-
lium patæ, participes reddet, vt
in æternum fœlices ac beati, absq[ue]
ullo vel dolorum, vel calamitatum,
vel mortis deniq[ue] metu, ipsum
cum Filio & Spiritu S.

perpetuis laudibus
celebremus.

A M E N.



D

CON.

CONCIO TERTIÆ

Diei.

1. *Timoth: 2.*

Adhortor igitur primum
omnium fieri Deprecatio-
nes, Petitiones, Intercessi-
ones, Gratiarum actiones,
pro omnibus hominibus,
pro Regibus & omnibus qui in eminen-
tia sunt, vt quietam & tranquillam vi-
tam degamus, in omni pietate & hone-
state. Hoc enim bonum & acceptum
est coram Deo seruatore nostro, qui
vult Omnes homines saluos fieri, & ad
agnitionem veritatis peruenire.

ENARRATIO.

Actenus, cum ex Esaia-
tum Dauide, sanctissi-
mis Dei Prophetis, di-
ctum est de dulcissimis
consolationibus, quibus pauidæ ho-
minum mentes, sese erigere debent,
ne,

ne, vel propter peccatorum fœdita-
tem, vel calamitatum multitudi-
nem & concursum, frangantur:
sed vt ijs confirmatæ, vera fide ad
Deum, tanq̃ clementissimum pa-
trem, & tutissimum asylum confu-
giant, nihil dubitantes, quin eos in
paternam suam tutelam recipere,
eorumq̃ preces clementer exaudire
velit. Nunc igitur commodum vi-
detur, vt de Oratione Ecclesia bre-
uiter admoneatur, quare ex Apo-
stoli verbis, suprâ recitatis, tres
potissimùm doctrinas proponemus.

1. De quatuor diuersis precatio-
num formis, quas hic recitat
Paulus.
2. Pro quibus orandum, & quib-
us rationibus adducti, pro
Magistratu diligenter oremus.

D 2

3. Quod

3. Quòd gratia Dei, ad omnes ho-
mines pertineat.

DE PRIMÀ Doctrina.

Cùm Paulus dicat: Adhortor
itaq; primùm omnium &c. Nullum
dubium esse potest, quin monere vo-
luerit, quotidiana piorum exerci-
tia, à precibus inchoanda esse, si-
quidem frustrà à nobis omnis labor
suscipitur, nisi diuinitus iuuetur,
iuxta illud Psal: 127. Nisi Do-
minus &c. Recitat autem hoc loco,
quatuor potissimùm diuersas Ora-
tionis formas, quæ ita distingui
solent.

Deprecatio, est quâ mala, cùm
nobis, tum alijs imminetia depre-
camur.

Petitio,

bon
nian

inte

agn

coll

De

fas

emp

uid

qua

mo

run

enu

pre

deb

ben

De

pet

Petitio, est quā petimus, vt quæ
bona sunt & salutaria, nobis eue-
niant.

Intercessio, est quā alij pro alijs
intercedimus.

Gratiarum actio, est quā &
agnoscimus beneficia diuinitus nobis
collata, & pro beneficijs acceptis,
Deo gratias agimus. Has diuer-
sas Orationis formas, illustrant ex-
empla Abrahamæ, Loth, Mosi, Da-
uidis, Eliæ, Elisæi & alia similia,
quæ pius verbi minister huc accom-
modabit. Tametsi autem gratia-
rum actio, hîc postremo loco à Paulo
enumeratur: tamen in dicendis
precibus, reliquas meritò præcedere
debet. Omnino enim decet, vt
beneficia prius accepta agnoscamus,
Deoq; pro ijs gratias agamus, anteq̃
petamus noua. D3 DE

DE SECVNDA

Doctrina.

Si quæris, pro quibus sit orandum, respondet Paulus, pro omnibus hominibus. Hæc doctrina Pauli, plana est & perspicua, quâ docemur, piorum esse, non pro se tantum, verum etiam pro alijs orare, ijsq; non amicis solum, ac necessitudinis aliquo vinculo sibi coniunctis, sed etiam pro omnibus promiscuè, siue amicis siue inimicis, iuxta illud mandatum Domini: Diligite inimicos vestros. Et orate pro his, qui vos diris execrantur, Matth: 5.

Cum autem potissimum hæc Regum meminit Paulus, & aliorum omnium, quotquot in eminentia sunt constituti, ut sunt Duces,

comi

com
les
tor
aly
tes
rat
gifi
Re
pra

Ma
ben
&
dra

tas
vi
no
&
eni

comites, princeps, praesides, consu-
les, senatores, praefecti, praecep-
tores, patroni & quicunq; tandem
alij, aliqua officij dignitate eminen-
tes, diligenter perpendendae sunt
rationes, quae, ad diligenter pro Ma-
gistratu orandum, nos excitabunt.
Recitantur autem hic à Paulo duae
praeipuae.

Prior sumpta est ab utili,
Multiplex enim est utilitas, quae
beneficio Magistratus ad nos redit,
& hic potissimum recitatur quae
druplex.

PRIMA, est vitae tranquilli-
tas, quae potissimum refertur ad
vitam priuatam, ut & domi cum
nostris, & foris cum alijs, placide
& tranquille viuamus, significat
enim tranquillitas, εὐταξία, ordinem

Et concinnam connexionem ciuium,
videlicet mutuam reuerentiam, be-
neficientiam Et modestiam.

SECUNDA, est vita qui-
eta, non turbata bellicis tumultibus,
seditionibus, latrocinijs, vastatio-
nibus, aut intestinis dissidijs. Quanti
autem facienda sit eiusmodi vita
quieta, satis testantur infinita mala
quæ sequuntur, vbi armis omnia
perstrepunt.

TERCIA, est Pietas. Nam
cùm bellis omnia turbantur, negli-
guntur literarum studia, nec potest
Iuuentus, in pietatis studijs rectè
institui.

QUARTA, est vitæ hone-
stas. Vbi enim viget honesta Et
moderata disciplina, Et Magistra-
tus suum facit officium, in virtu-
tibus

tibi
ibi
con
gis
clit

hon
dit
De
rat
bel
fid
con
ciu

ost
cep

tibus ornandis, ac vicijs puniendis,
ibi vitæ morumq; honestati optimè
consulitur, quæ alioqui absq; Ma-
gistratus beneficio, extremè peri-
clitatur.

Posterior ratio, sumpta est ab
honesto. Oratio enim quæ fit à sub-
ditis pro Magistratu, cultus est
Deo gratus & acceptus. Atq; hæc
ratio vel sola, satis omnino esse de-
bebit bonis & pijs omnibus, vt as-
siduis precibus, Magistratum Deo
commendent, quòd sciant hoc offi-
cium, Deo imprimis probari.

DE TERTIA Doctrina.

Sequitur tertia doctrina, quæ
ostendit cur Deo gratum sit & ac-
ceptum, si subditi pro Magistratu

D 5

dili-

diligenter apud Deum intercedant,
nimirum quia Deus vult Omnes
homines saluos fieri, & ad agni-
tionem veritatis peruenire. Insigne
& præclarum est hoc dictum Pauli,
quod vel solum, satis erit ad animos
nostros confirmandos, vbi eos ten-
tatio de particularitate fatigat.

Sed hîc non immeritò quæritur,
Si Deus vult Omnes homines sal-
uos fieri, cur igitur non omnes
saluat? Siquidem omnia quæcunq;
voluit fecit, Psal: 115. Sed re-
spondetur verè & simpliciter, De-
um quidem ea quæ vult, facere om-
nia, interim tamen obseruandum
est, modum non esse excludendum à
voluntate. Sic etiam verè vult
Deus, Omnes homines saluos fieri,
sed seruato modo à se ordinato, qui
est

est
De
nim
fide
Na
etia
nem
di
Fil
Iob
tis
eos
fieri
sal
sal
na
fieri
et
cis

est agnitio veritatis, hoc est, Filij
Dei, qui est ipsa veritas, Iob: 14.
nimirum vt cum vera & indubitata
fide, Saluatorem suum agnoscant.
Nam sine hac agnitione, de qua
etiam loquitur Esaias, cap: 53.
nemini speranda est salus, iuxta
dictum Christi: Qui non credit in
Filium, ira Dei manet super eum,
Iob: 3. Quotquot igitur hunc salu-
tis consequendæ modum, acceptant,
eos Omnes verè vult Deus saluos
fieri, ideoq; eos absq; vlllo discrimine
saluat: Reliquos autem omnes, hunc
salutis consequendæ modum asper-
nantes, nequaq; vult Deus saluos
fieri, ideoq; eos nequaq; saluat, sed in
æternum condemnat.

Vt autem animi nostri, de dul-
cissima hac doctrina, magis confir-
mentur,

mentur, certoq; statuant, gratiam
Dei, in vera Filij agnitione, Om-
nibus esse propositam, diligenter
obseruanda sunt quatuor illa, quæ
vniuersale hoc dictum Pauli, eui-
dentissimè confirmant, quæ sunt,
Mandatum Dei vniuersale, Pro-
missiones quæ sunt vniuersales &
gratuitæ, Missio Filij, & ipsa Sa-
cramenta, quorum plenior explica-
tio, petatur ex Enchiridio.

Tibi autem æternæ Deus, Pa-
ter Domini nostri Iesu Christi, cum
Filio & Spiritu S. toto pectore
gratias agimus, quòd veræ Reli-
gionis doctrinam, ex densissimis &
plusq; cimmerijs tenebris in lucem
produxeris, eamq; multis nunc an-
nis, in tantis tamq; periculosis moti-
bus, in nostris Ecclesijs & Scholis,
puram

pura
Teq;
supp
tui
cati
ing
sina
das
reis
tur
inte
cep
bus
vel
dis
læ,
lor
lig
mi
E

puram atq; illibatam conseruâris:
Teq; intimis cordis nostri gemitibus,
suppliciter oramus, ne Euangelij
tui lucem, in hisce Regnis & Du-
catibus accensam, propter nostram
ingratitude[m], v[er]o pacto extingui
sinas, sed eam magis ac magis accen-
das, vt etiam in hisce Regnis bo-
reis, aliqua Ecclesiola tibi colliga-
tur, & quam à maioribus nostris,
integram Religionis doctrinam ac-
cepimus, sinceram, nullisq; errorib[us]
deformatam, posteris nostris,
veluti per manus tradamus. Tolle
dissidia, quibus Ecclesiæ & Scho-
læ, cum summo piorum omnium do-
lore & luctu, maximaq; veræ Re-
ligionis iactura, multis in locis
miserè dissipantur: Et nostris
Ecclesijs & Scholis, quemad-
hactea

hactenus, in medijs Diaboli eiusq;
Organorum furoribus, ita deinceps
quoq;, piam ac salutarem concor-
diam concedas. Docentium atq;
discientium cœtus, in vero pietatis
studio conserues, eorumq; animos
vnias, vt in te vnum sint, vnum
velint ac faciant.

Gratias etiam agimus tibi,
Pater, Fili & Spiritus S. tantas
quantas possumus maximas, quòd
Regem tam pium atq; clementem,
hisce Regnis donâris, verum Eccle-
siæ nutrimum, cui nihil est anti-
quius, quàm vt vera de Deo doctri-
na, sine vllis dissidijs, in horum
Regnorum Ecclesijs & Scholis,
purè & sincerè tradatur, eademq;
à pijsimo patre, sanctissimæ memo-
riæ, Christiano Tertio, nomine &

re

re C
satis
bus
eius
in v
dilec
tia,
nibu
imm
conj
cam
gine
nesq;
Chr
sapi
De
Ser
act

re Christianissimo, Principe nunq̃
satis laudato, accepta, successoribꝫ
in corrupta relinquatur: Vtq̃
eius Maiestatem, in posterum etiam,
in vero Dei timore, ac subditorum
dilectione, pietate, sapientia, iustitia,
ceterisq̃ virtutibus Regijs omnibus
ornatam, à presentibus &
imminentibus periculis, clementer
conserues, ardentibus votis precamur.

Conserua Illustrissimam Reginam,
Iuniorum Principem, omnesq̃ liberos
Regios, vt ad ipsius Christi exemplum,
indies proficiant sapientia & ætate,
& gratia, apud Deum atq̃ homines.

Conserua prudentissimos Regni
Senatores, Eorumq̃ consilia &
actiones omnes, Spiritu tuo S.
rege,

rege, vt tibi gratæ, Ecclesiæ, &
Scholis, & hisce Regnis, vtilis sint
& salutare.

Conserua totius Regni nobili-
tatem, omnesq; subditos, & publi-
cas ac priuatas calamitates clemen-
ter mitiga. Conserua nos à pesti-
lencia, bello & fame cæterisq; ma-
lis omnibus, nec effundas omnem
iram tuam in nos, qui populus tuus
sumus, Sed in medio iræ tuæ, mi-
sericordiæ recorderis, vt diuino tuo
præsidio, ab omnibus periculis cle-
menter conseruati, in hac & futura
vita te, Patrem & Filium &
Spiritus S. perpetuis lau-
dibus celebremus.

AMEN.



ORDI.

¶
fint

hili

bli

nen

esti

ma

nem

uus

mi

tuo

cle

tura

¶

¶

¶

¶

¶

¶

¶

¶

¶

¶

¶

¶

¶

¶

¶

¶

